

Prome Minister a bishita St. Regis Aruba Resort cu lo habri su portanan na januari 2025



DIALUNA 18 di november Prome Minister Evelyn Wever-Croes hunto cu colega Minister Dangui Oduber a bishita St. Regis Aruba Resort p'asina ricibi un update riba e proyecto. E construccion di e proyecto aki ta hopi adelanta y ta planea pa habri januari 2025.

St. Regis Aruba Resort ta un proyecto di 240 camber y ta un hotel di luho, sofisticado y top of the line, ofreciendo acomodacion p'e turista cu ta dispuesto pa haci un inversion halto pa bishita Aruba. E hotel ta ofrece un panorama espectacular, cu un restaurant n'e top unda e turista lo disfruta di e bunita bista di e beach y di e bahada di solo unico di Aruba.

Durante e bishita, Prome Minister a tuma tempo pa combersa cu e empleadonan cu ya ta laborando n'e hotel y a keda contento di mira cu mayoria di nan ta local y tambe varios tawata labora na otro luga pero a dicidi di bin traha na St. Regis mirando cu e hotel aki ta duna nan mas oportunidad pa crece den nan carera, haya mas experiencia y consecuentemente crece den salario tambe.

“Un hotel di e nivel aki ta pone Aruba riba e mapa manera nos kier, e ta trece turismo diferente, turismo di calidad. Turistanan cu lo hospeda na St. Regis t'e turista cu ta dispuesto pa paga hopi placa pa bin Aruba y esey t'e direccion cu nos kier bay y haci nos turismo mas sostenibel. Tawata bunita pa combersa cu e empleadonan y scucha nan impresion di e hotel y sinti na felicidad pa ta forma parti di e cadena di hotel aki. Pabien n'e desayadonan di e bunita proyecto aki y nos ta looking forward p'e apertura na januari 2025”, Prome Minister a expresa.

